



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

16.03.2023

155-tm-son

### **Talabaga hayfsan e'lon qilish to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksida belgilangan me'yorlarni buzish holatlari kuzatilmoqda.

Xususan, Xususiy huquq fakulteti 2-kurs talabasi Murtazoyev Javohir Mashxurovich talabalar turar joyida istiqomat qilmasa ham 2023-yil 7-mart kuni hech kimdan ruxsat so'ramasdan, o'zboshimchalik bilan 2-sonli talabalar turar joyida kirib, 2 kun davomida TTJda yashagan. Ushbu holat 9-mart kuni 2-sonli talabalar turar joyi kompleks rahbari N.Shayzakov tomonidan aniqlangan.

Talabadan nima uchun hech kimdan ruxsat olmasdan, ogohlantirmasdan bu ishni qilganligi so'ralganida u kurs tyutori B.Abdug'ofurovni ogohlantirganligini vaj qilib keltirgan. N.Shayzakov talabaning tyutoriga talabaning rostdan ham ruxsat so'raganligini aniqlash uchun qo'ng'iroq qilgan. Kurs tyutori talaba yotoqxonada qolish bo'yicha hech qanday murojaat qilmaganini ma'lum qilgan. Talaba bir necha oy avval yotoqxonadan joy so'rab kurs tyutoriga murojaat qilganda, yotoqxonada joy mavjud emasligi hamda yotoqxonaga faqat ma'lum kategoriyalarga mansub bo'lgan talabalar joylashtirilishi mumkin ekanligini tushuntirib, talabaga ijara xonadon topish bo'yicha yordam berish taklifini bergan. Shunga qaramay talaba J.Murtazoyev Universitet xodimi N.Shayzakovga yolg'on ma'lumot taqdim etib, uni chalg'itishga harakat qilgan.

Ushbu harakatlari bilan talaba J.Murtazoyev Universitet odob-axloq kodeksi 13-moddasi 2-bandida belgilangan Binoga kirayotgan har bir shaxs binolarga kirib-chiqishni nazorat qilish uchun tayinlangan mas'ul shaxs yoki navbatchiga o'z shaxsini tasdiqlovchi hujjatni (xizmat yoki talabalik guvohnomasi, pasport va h.k.) ochiq holda ko'rsatishlari yoki maxsus berilgan ID-karta orqali turniketlardan o'tishlari shart, 26-moddada belgilangan haqiqatni gapirishga, rahbarlar va boshqa xodimlarni chalg'itmaslik, 27-moddasi "a" bandida keltirilgan Talabalar turar joyi Ichki tartib qoidasiga qat'iy rioya qilish qoidalarini buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami

1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 13, 26, 27-moddalariga asosan

### **BUYURAMAN:**

1. Universitetning Xususiy huquq fakulteti 2-kurs talabasi Murtazoyev Javohir Mashxurovichga universiteti Odob-axloq kodeksining 13-moddasi 2-bandi, 26-moddasi va 27-moddasi “a” bandida keltirilgan qoidalarni buzganligi uchun hayfsan e’lon qilinsin.

2. Fakultet dekanlari (Sh.Saydullayev, D.Kamalova, B.Musayev, D.Umarxanova, A.Babadjanov) talabaning shaxsini sir saqlagan holda fakultet talabalari o’rtasida ushbu buyruqning mazmun mohiyati, ichki tartib qoidalarni buzish oqibatlari haqida tushuntirish ishlari o’tkazilishini ta’minlasin.

3. Xususiy huquq fakulteti dekani (B.Musayev) mazkur talabaning shaxsiy hujjatlar yig’majildiga buyruq nusxasi tikilishini ta’minlasin.

4. Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

B.MUSAYEV

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



yuriskonsult

D.ALIBOYEV

